

Ռուս զօրքերը Վալերիան Զուբովի հրամանատարութեամբ — որ կրտսեր եղբայրն էր Պլատոն Զուբովի — շարժուեցին դէպի պարսկական սահմանները: Արդութեան եպիսկոպոսն եւս հրաւէր ստացաւ մասնակցելու այդ արշաւանքին, որովհետեւ նախ՝ նրա փորձառութիւնն ու աղբեցութիւնը հայ ժողովրդի վրայ անհրաժեշտ էին ռուսական զէնքի յաջողութեան համար. երկրորդ՝ ռուս կառավարութիւնը յոյս ունէր նրա միջոցով «հաստատուն պահել Արարատեան Հայրապետին առ մեզ (այսինքն՝ առ ռուսները) յոյց տուած անձնւորութեան մէջ»¹):

Արդութեանը սիրով յանձն առաւ մասնակցելու արշաւանքին, չնայած իր հասակին եւ «տկարացած մարմնին», որովհետեւ կարծում էր — իր ասածին պէս — թէ «այս գործի վերջը Աստուծո յղորմութեամբ օգնութիւն եւ ապահովութիւն կը լինի մեր ազգին»: Այդ խորունկ հաւատն ունենալով, նա շտապեց ուղարկել Պլ. Զուբովին իր կազմած տեղեկագիրը Հայաստանի ու սահմանամերձ վայրերի մասին եւ նրանց քարտէսը:

Կրկին, հարիւր մէկերորդ անգամ, բոցավառուեց հայրենիքի ազատութեան յոյսը մեղքների եւ քաղաքական գործիչների սրտերում: Այս անգամ արդէն հայ ժողովրդի դարաւոր երազն իրականանալու մօտ էր եւ ազատութեան արշաւոյսը բացուելու վրայ էր...

Ռուս զօրքերը յաղթական հասան մինչեւ Գանձակ, Հայաստանի հողը: Անգամ Ղուկասի նման շատ զգոյշ կաթողիկոսը հազիւ էր կարողանում ծածկել իր ուրախութիւնը, անհամբեր սպասելով նրանց մօտենալուն Էջմիածին:

Սակայն նորից դժբախտութիւնը պայթեց հայ ժողովրդի գլխին եւ «աշխարհիս ամենաօգտակար գործը» — ինչպէս Ղուկաս կաթողիկոսը գրում էր Մադրաս, Շահամիրեանին — նորից խափանուեց: Մեռաւ Եկատերինան (1796 թ.) եւ նրա հետ միասին փակուեց նաեւ հայկական հարցի այս ուշագրաւ շրջանը:

Յաջորդը՝ որդին, Պօղոս կայսրը, բոլորովին այլ քաղաքականութիւն սկսեց: Նա չէր

սիրում իր մօրը, որովհետեւ վերջինը նրան քաշուած էր պահում պետական բոլոր գործերից: Նա ատում էր Եկատերինայի արքունիքը, նրան չըջապատող մարդկանց եւ նրա ամբողջ քաղաքականութիւնը — թէ՛ ներքին եւ թէ՛ արտաքին: Նրան թւում էր, որ իր մայրը Ռուսաստանի ամբողջ կառավարութիւնը չէր տանում այնպէս, ինչպէս պիտի տարուէր:

Ուստի գահ բարձրանալով, նա որդեգրեց մէկ բոլորովին հակառակ գործելակերպ եւ հակառակ ուղեգիծ — պետական բոլոր ասպարէզներում: Առաջին հերթին՝ յետ պահանջեց զօրքերը Անդրկովկասից եւ վերջ տուեց իր մօր քաղաքականութեանը:

Ի հարկէ, Անդրկովկասը Պօղոսի եւ նրա յաջորդների օրով դուրս չվտարուեց պետական քաղաքականութեան շրջանակից. նա շարունակում էր մնալ ռուս կառավարութեան մտահոգութեան առարկան, սակայն ո՛չ այնտեղ աղդային անկախ միաւորներ — հայկական եւ վրացական — կազմակերպելու մտքով, այլ Անդրկովկասը նուաճելու, ռուսական մեծ կայսրութեան անբաժան մէկ մասը դարձնելու մտքով:

Այդ քաղաքականութիւնը մասամբ իրագործեց հէնց ինքը Պօղոս կայսրը: Օգտուելով Պարսկաստանում նորից ծայր տուած ներքին խռովութիւններից ու ապստամբութիւններից, նա զօրքեր ուղարկեց եւ դրաւեց ամբողջ Վերաստանն ու Ղարաբաղը:

Այդ քաղաքականութիւնը վերջում ամբողջացաւ Նիկողայոս Ա. կայսեր օրով, Թուրք-մէնչայի դաշնագրութեամբ (1828): Երեւանի ու Նախիջևանի խանութիւնների դրաւումով նախկին պարսկական Հայաստանի մեծագոյն մասը, մինչեւ Արաքս գետը, ընդմիջտ կցւում էր Ռուսաստանին, կազմելով նրա անբաժան մէկ մասը:

Այդպիսով պատմական ասպարէզից վերանում էր պարսկական Հայաստանի ազատութեան հարցը, որը երեք դարից աւելի գրադեցրել էր հայ քաղաքական միտքը եւ բազմազան ու բազմաթիւ յոյսերի ու հիասթափութիւնների, գոհաբերութիւնների ու տառապանքների աղբիւր հանդիսացել:

1) Եգեան՝ «Ս. Էջմիածնի Յարաբերութիւնները», եր. 27.